

CANNENN

É INOUR SANT COSMAN HA SANT DAMIAN

Patromed parréz Nainc (par M^{te} Le Joubin)

— r r r r —

ANDANTINO

Sant Cosman ha sant Damian, bruded é
 ol er bed, Eit hou méleiu ha pedein é
 houb aman tolped. El oh ni e veun mer-
 huel, quéntoh eit col er fé: Caëret un
 dra é mer-huel, pe varhuer aveid Doué!

DISCAN

A-vel hur patro-med, ni zalhon
 doh er fé: quén-toh mer-huel nil gùéh eit
 au-coé - hat hun Doué!

1.

Sant Cosman ha sant Damian, bruded é ol er bed,
 Eit hou mélein ha pedein é homb aman tolped.
 Èl oh ni e venn merhuel, quéntoh eit col er fé :
 Caërrèt un dra é merhuel, pe varhuér aveit Doué !

DISCAN .

Avèl hun patromed, ni zalhou doh er fé.
 Quéntoh merhuel mil gùéh eit ancoéhat hun Doué !

2.

Parréz Nain, eurus parréz a escopty Guéned,
 Sant Cosman ha sant Damian e zo hou patromed .
 A læn en nean ind e scuil ar ol hou pugalé
 Er græceu preciussan e oulennet guet Doué.

3.

Sant Cosman ha sant Damian én Arabi gânnet.
 Èr lézenn a grechéneah e oé bet dessahuet ;
 Ag hou amzér a groaidur hag épad hou buhé,
 Ne hirvoudént de nitra meit de blijein de Zoué.

4.

Hou zud oé dré hou madeu ha mui hoah dré hou fé
 Er ré guetan ag hou bro ha câretan guet Doué.
 Jamæs ne cherrént hou dor doh er gueah peurizion :
 Diguor oé berpet hou dorn, querclous èl hou halon.

5.

Tud hur sænt e lacas poén eit rein d'hou bugalé
 Ha sclerdér bras d'hou spered ha vertu d'hou éné.
 Ind e choézas aveit hai er vistr gouziékan
 Hag anahuet dré en ol eit bout er fé furan.

6.

Hur sænt en doé receuet guet Doué ur spered bras ;
 É scol mistr læn a furnés imbèr ind e ziskas,
 Ind e ziskas lézenn Doué ha peb scianç er bed ;
 Habil e oént drest pep tra de hùellat peb clinhuet.

7.

Medicinerion santél, Cosman ha Damian,
 Ér memb amzér e hùellé d'er horv ha d'en inean,
 Hag, èl guéharal Jésus, Medicinour er bed,
 D'hou ré guelleit e laré : Pelleit doh er péhed.

8.

Satan e oé counaret é hùélet en eu vrér
 É houni quement a dud de Zoué dré hou mechér :
 Ean e hùéhas é gounar é calon Lysias :
 Ha Lysias ér prison en eu vrér e daulas.

9.

Cheleuet mad, Crechénion, petra e resçondas
 En eu vrér-cé ranjennet d'en tribun Lysias :
 — Mar dalhet doh hou lézenn, hui gollo hou puhé.
 — N'hun nès chet eun ag er marhue : ne zoujamb nameit Doué.

10.

— Mar ne droeit kein d'hou lézenn e vehet tourmantet.
 — Crechenion e varh nehemb : groeit èl ma càrehet.
 Lysias ou zourmantas, mæs hemb donnet de benn
 D'hou feahein ha d'hou lacat de droein kein d'hou lézenn

11.

Galet e hou zourmanteu, mæs ne badant quet pèl.
 Eurustèd er sænt én nean zè bras hag éternél ;
 Ind e hùél Doué, ind er hâr, ind er mél, hag e lar :
 Hui e ra d'emb, o men Doué, un eurustèd hemb par.

12.

A beb tu é ta beb plé a vostad crechénon,
 De vélein ha de pedein hun medicinerion ;
 Ind a houlen guet hur sænt, guet Cosman ha Damian,
 Er yehèd aveit hou horv hag aveit hou inean.

13.

En deyen man a bardon, o patromet eurus
 Ar vugalé Nain taulet ur sel caranteus,
 Ha d'er perhindour gredus daccoret er houlen ;
 En oh e ma hur fiars, cheleuet hur peden.

J.-M. LE JOUBIUX,
 Chan., vic.-gén.